

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

সংবাদ গতিধারা

ঢাকা, রোববার ৯ আগস্ট ২০১৫, ২৫ শ্রাবণ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। বাংলাদেশি পণ্যের মান বাড়ানোর আহ্বান রাস্তপতির
- ২। ধর্মের নামে সন্তানী কর্মকাণ্ড চলতে দেওয়া হবে না : প্রধানমন্ত্রী
- ৩। ট্রানজিট বাংলাদেশে প্রথম সর্বদলীয় সিদ্ধান্ত : অর্থমন্ত্রী
- ৪। এইচএসির ফল প্রকাশ আজ
- ৫। আমাদের অর্জন স্লান করে দিচ্ছে সড়ক দুর্ঘটনা : সেতু মন্ত্রী
- ৬। ব্লগার ও গণজাগরণ মধ্যের কর্মী নিলয়ের দেহে ১৪টি কোপের চিহ্ন  
- জঙ্গিরাই এ হত্যাকাণ্ড ঘটায় : র্যাব এডিজি
- ৭। প্রবাসীদের জন্য নতুন খাণ প্রোডাক্ট চালু করা হচ্ছে : বাংলাদেশ ব্যাংক গভর্নর
- ৮। স্কুলে স্কুলে ভোট উৎসব : ছাত্ররাই তৈরি করল 'স্টুডেন্টস কেবিনেট'
- ৯। সৌন্দি আরবে সড়ক দুর্ঘটনায় চার বাংলাদেশি ছাত্র নিহত
- ১০। আজ আন্তর্জাতিক আদিবাসী দিবস

চলমান পাতা/২

১। বাংলাদেশি পণ্যের মান বাড়ানোর আহ্বান রাষ্ট্রপতির

রাষ্ট্রপতি মো. আবদুল হামিদ বাংলাদেশের ভাবমূর্তি উজ্জ্বল করতে এবং দক্ষিণ-পূর্ব এশিয়ার অবস্থান সুদৃঢ় করতে সকল মতপার্থক্যের উর্ধ্বে উঠে একসঙ্গে কাজ করার জন্য থাইল্যান্ডে বসবাসকারী প্রবাসী বাংলাদেশিদের প্রতি আহ্বান জানিয়েছেন। থাইল্যান্ডে নিযুক্ত বাংলাদেশের রাষ্ট্রদূত সাইদা মুনা তাসনীমের দেওয়া এক ভোজসভায় রাষ্ট্রপতি একথা বলেন। রাষ্ট্রপতি আরো বলেন, থাইল্যান্ডের সঙ্গে বাংলাদেশের সম্পর্ক বিশেষ করে বাণিজ্য সম্পর্ক বৃদ্ধি পাচ্ছে। তবে বাণিজ্য সমতা বাংলাদেশের পক্ষে নয়। তিনি থাইল্যান্ডের বাজারে বাংলাদেশি পণ্যের বাজার বিস্তারে আন্তরিকতার সঙ্গে কাজ করার জন্য বাংলাদেশ দৃতবাস কর্মকর্তা ও কর্মচারীদের প্রতি আহ্বান জানান। সূত্র-সংবাদ (শেষ পৃ.,ক.৫), জনকর্ত (শেষ পৃ.,ক.৮), নিউজ টুডে (পৃ.৩,ক.২), ডেইলি স্টার (পৃ.৩,ক.৬)।

২। ধর্মের নামে সন্তাসী কর্মকাণ্ড চলতে দেওয়া হবে না : প্রধানমন্ত্রী

প্রধানমন্ত্রী শেখ হাসিনা বলেছেন, বাংলাদেশের মানুষ শান্তিপ্রিয়। এখানে ধর্মের নামে সন্তাসী ও জঙ্গিবাদী কর্মকাণ্ড চলতে দেওয়া হবে না। তিনি বলেন, অসাম্প্রদায়িক বাংলাদেশের মাটিতে ধর্মের নামে রক্তপাত চলবে না, চলতে দেওয়া হবে না। আর যারা শিশু নির্যাতন ও হত্যা করবে তাদের কঠোর শাস্তি পেতে হবে। গতকাল ৮ আগস্ট শনিবার রাজধানীর ওসমানী স্থুতি মিলনায়তনে বঙ্গবন্ধুর সহস্রমিনি মহীয়সী নারী বঙ্গমাতা বেগম ফজিলাতুরেছে মুজিবের ৮৫তম জন্মবার্ষিকী উপলক্ষে মহিলা ও শিশু বিষয়ক মন্ত্রণালয় আয়োজিত অনুষ্ঠানে প্রধানমন্ত্রী এসব কথা বলেন। সূত্র-ইত্তেফাক (পৃ.১,ক.৮), প্রথম আলো (পৃ.২,ক.২), জনকর্ত (পৃ.১,ক.২), ডেইলি স্টার (পৃ.১,ক.১), ডেইলি সান (পৃ.১,ক.২)। নিউজ টুডে, বাংলাদেশ টুডে এ বিষয়ে লিড নিউজ ছেপেছে।

৩। ট্রানজিট বাংলাদেশে প্রথম সর্বদলীয় সিদ্ধান্ত : অর্থমন্ত্রী

অর্থমন্ত্রী আবুল মাল আবদুল মুহিত বলেছেন, বাংলাদেশ এখন ট্রানজিট দেশ। বাংলাদেশের এই ট্রানজিট দেশ হওয়ার সিদ্ধান্ত দেশের প্রথম সর্বদলীয় সিদ্ধান্ত। গতকাল ৮ আগস্ট শনিবার বঙ্গবন্ধু আন্তর্জাতিক সম্মেলন কেন্দ্রে অনুষ্ঠিত ‘ইত্তিয়া-বাংলাদেশ বিজেনেস কার্নিভাল’ শৈর্ষক এক অনুষ্ঠানে প্রধান অতিথির বক্তব্যে অর্থমন্ত্রী এ কথা বলেন। সূত্র-যায়যায়দিন (শেষ পৃ.,ক.৬), প্রথম আলো (পৃ.১৩,ক.৬), ইত্তেফাক (পৃ.২,ক.৭), ফিনানশিয়াল এক্সপ্রেস (পৃ.১,ক.২), ডেইলি সান (পৃ.১,ক.৬)।

৪। ইচ্চেসিসির ফল প্রকাশ আজ

আজ ৯ আগস্ট রোববার ইচ্চেসিসি ও সমমানের পরীক্ষার ফল প্রকাশিত হবে। শিক্ষার্থীরা নিজ নিজ শিক্ষা প্রতিষ্ঠান থেকে দুপুর ২টায় ফলাফল জানতে পারবে। একই সঙ্গে ওয়েবসাইট ও মোবাইলে এসএমএসেও ফল জানা যাবে। এর আগে সকাল ১০টায় শিক্ষামন্ত্রী নুরুল ইসলাম নাহিদ শিক্ষা বোর্ড চেয়ারম্যানদের সঙ্গে নিয়ে প্রধানমন্ত্রী শেখ হাসিনার কাছে ফলাফলের কপি তুলে দেবেন। এরপর দুপুর ১টায় শিক্ষা মন্ত্রণালয়ের সভাকক্ষে শিক্ষামন্ত্রী সংবাদ সম্মেলনে আনুষ্ঠানিকভাবে ফলাফল ঘোষণা করবেন। সূত্র-ইত্তেফাক (পৃ.১,ক.৭), সংবাদ (পৃ.১,ক.১), ইত্তেফাক (পৃ.১,ক.১), ডেইলি সান (শেষ পৃ.,ক.১)।

৫। আমাদের অর্জন স্লান করে দিচ্ছে সড়ক দুর্ঘটনা : সেতু মন্ত্রী

সড়ক পরিবহণ ও সেতুমন্ত্রী ওবায়দুল কাদের বলেছেন, জাতি হিসেবে আমাদের অর্জন ও ভাবমূর্তি স্লান করে দিচ্ছে সড়ক দুর্ঘটনা এবং যানজট। আমাদের সব অর্জন বৃথা যাবে যদি দুর্ঘটনা রোধ করতে না পারি আর যানজট সহনীয় পর্যায়ে না আনতে পারি। দেশের উন্নয়ন কার্যক্রম চলমান আছে। এখন রাস্তা ও পরিবহণে শৃঙ্খলা ফিরিয়ে আনতে হবে। এটাকে আমরা চ্যালেঞ্জ হিসেবে নিয়েছি। গতকাল ৮ আগস্ট শনিবার তিনি ঢাকা-ময়মনসিংহ মহাসড়কের গাজীপুরের চান্দনা চৌরাস্তায় সাংবাদিকদের এসব কথা বলেন। সূত্র-যুগান্ত (পৃ.১৫,ক.২), ইত্তেফাক (পৃ.২,ক.৬), সংবাদ (শেষ পৃ.,ক.২), ইত্তেফাক (পৃ.৩,ক.৭), ডেইলি সান (পৃ.২,ক.৮)।

৬। ব্লগার ও গণজাগরণ মধ্যের কর্মী নিলয়ের দেহে ১৪টি কোপের চিহ্ন

- জঙ্গিরাই এ হত্যাকাণ্ড ঘটায় : র্যাব এডিজি

জঙ্গিরা ব্লগার ও গণজাগরণ মধ্যের কর্মী নীলান্তি চট্টোপাধ্যায় ওরফে নিলয়কে ১৪ বার কোপায়। মাথা, গলা, মুখ ও দুই হাতে ১৪টি কোপের আলামত রয়েছে। হত্যা নিশ্চিত করতে উপর্যুক্তি একের পর এক আঘাত করে জঙ্গিরা। চিকিৎসকরা জানিয়েছে আলামতে বোৰা যাচ্ছে নিলয়কে একাধিক ব্যক্তি আঘাত করেছে। আর অতিরিক্ত আঘাতের কারণেই তার মৃত্যু হয়েছে। হত্যার পর দায় স্বীকার করে আল-কায়েদা ভারতীয় উপমহাদেশ শাখার আনসার আল ইসলামের নামে বিবৃতি পাঠানোর বিষয়টিও খতিয়ে দেখেছে পুলিশ। র্যাবের অতিরিক্ত মহাপরিচালক কর্নেল জিয়াউল আহসান সংবাদ মাধ্যমকে গতকাল ৮ আগস্ট শনিবার টেলিফোনে বলেন, উগ্রপন্থি জঙ্গিরাই এ হত্যাকাণ্ড ঘটিয়েছে। হত্যাকাণ্ডের ঘটনায় তারা তদন্ত শুরু করেছে। সূত্র-সংবাদ, জনকর্ত, সমকাল, যায়যায়দিন, ডেইলি স্টার, নিউ এজ, ডেইলি সানসহ অধিকাংশ দৈনিক এ বিষয়ে লিড নিউজ ছেপেছে।

৭। প্রবাসীদের জন্য নতুন ঝণ প্রোডাক্ট চালু করা হচ্ছে : বাংলাদেশ ব্যাংক গভর্নর

বাংলাদেশি প্রবাসীদের জন্য সকল ব্যাংকের অংশগ্রহণে একটি নতুন ঝণ প্রোডাক্ট চালু করা হচ্ছে বলে

জানিয়েছেন বাংলাদেশ ব্যাংকের গভর্নর ড. আতিউর রহমান। মালয়েশিয়ার বাজারকে চাঙ্গ করার জন্য মালয়েশিয়ায় অবস্থিত বাংলাদেশের হাইকমিশন এবং সংশ্লিষ্ট সরকারি-বেসরকারি সংস্থার সমন্বয়ের ভিত্তিতে এটি চালু করা হচ্ছে। মালয়েশিয়ায় কর্মরত প্রবাসীদের কর্মসূল ও তাদের পরিচয় সংরক্ষণের পরামর্শ দেন তিনি। বাংলাদেশে ব্যাংকের রেমিটারদের অভিযোগ গ্রহণ ও নিষ্পত্তির জন্য একটি ‘হটলাইন’ নম্বর স্থাপনেরও পরামর্শ দেন গভর্নর। গতকাল ৮ আগস্ট শনিবার সেন্টার ফর নল-রেসিডেন্ট বাংলাদেশি (এনআরবি সেন্টার) এর উদ্যোগে মালয়েশিয়ায় আয়োজিত ‘ওয়ার্ল্ড কনফারেন্স সিরিজ-২০১৫’ অনুষ্ঠানে প্রধান অতিথির বক্তব্যে তিনি এসব কথা বলেন। সূত্র-ভোরের কাগজ (পৃ.৯,ক.৪), ইন্ডেফাক (পৃ.১৮,ক.৭), সংবাদ (পৃ.১৪,ক.২), ডেইলি সান বিজনেস (পৃ.১,ক.৬)।

৮। **স্কুলে স্কুলে ভোট উৎসব :** ছাত্রাই তৈরি করল ‘স্টুডেন্টস কেবিনেট’

শ্রদ্ধাবোধ সৃষ্টি, শিক্ষা প্রতিষ্ঠানে পাঠদানে শিক্ষকদের সহায়তা, ঘরে পড়া রোধ, শিক্ষা কার্যক্রমে অভিভাবকদের সম্পৃক্ততা বৃদ্ধি, পরিবেশ উন্নয়ন কার্যক্রমে শিক্ষার্থদের অংশগ্রহণ নিশ্চিত করা, ক্রীড়া-সংস্কৃতি ও সহশিক্ষা কার্যক্রমে শিক্ষার্থীদের অংশগ্রহণ নিশ্চিত করার জন্য স্টুডেন্ট, কেবিনেট গঠনের সিদ্ধান্ত নেওয়া হয়। স্টুডেন্টস কেবিনেট স্কুলের পরিবেশ সংরক্ষণ, পুস্তক ও শিক্ষণ সামগ্রী, স্বাস্থ্য ক্রীড়া, সংস্কৃতি ও সহপাঠ কার্যক্রম, বৃক্ষ রোপণ, বাগান তৈরি, জাতীয় দিবস পালন ও আইসিটি বিষয়ক কার্যক্রমে ভূমিকা রাখবে। প্রথম পর্যায়ে এক হাজার ৪৩টি শিক্ষা প্রতিষ্ঠানে ষষ্ঠি থেকে দশম শ্রেণির শিক্ষার্থীদের অংশগ্রহণে নির্বাচনের মাধ্যমে এ কেবিনেট গঠন করা হয়। সরাসরি ছাত্র-ছাত্রীদের ভোটে নির্বাচন করা হয় কেবিনেট সদস্য। সূত্র-জনকর্ত (পৃ.৩,ক.৭), প্রথম আলো (শেষ পৃ.,ক.১), যায়যায়দিন (পৃ.১,ক.৬), ডেইলি স্টার (পৃ.৫,ক.২), নিউজ টুডে (পৃ.১,ক.৫), ডেইলি সান (শেষ পৃ.,ক.৮)।

৯। **সৌদি আরবে সড়ক দুর্ঘটনায় চার বাংলাদেশি ছাত্র নিহত**

সৌদি আরবের জেদ্দায় সড়ক দুর্ঘটনায় চার বাংলাদেশি ছাত্র মারা গেছে। গত ৭ আগস্ট শুক্রবার লোহিত সাগর সৈকতে বেড়াতে যাবার সময় জেদ্দা শহরের উত্তর অংশের অবহোরে দুর্ঘটনায় নিহত হয় এই চার বাংলাদেশি শিক্ষার্থী। নিহতরা জেদ্দার বাংলাদেশ ইন্টারন্যাশনাল স্কুল এ্যাঞ্চ কলেজ থেকে ২০১৫ সালে এসএসসি পাস করে একই কলেজের একাদশ শ্রেণিতে পড়ছিল। সূত্র-জনকর্ত (পৃ.২,ক.১), ইন্ডেফাক (পৃ.১৯,ক.১)।

১০। **আজ আন্তর্জাতিক আদিবাসী দিবস**

আজ ৯ আগস্ট রোববার আন্তর্জাতিক আদিবাসী দিবস। এ বছর দিবসটির প্রতিপাদ্য ‘২০১৫ উত্তর এজেন্ড : আদিবাসী জাতিসমূহের জীবনধারা উন্নয়ন নিশ্চিতকরণ’। জাতিসংঘ ১৯৯৩ সালকে আন্তর্জাতিক আদিবাসী বৰ্ষ ঘোষণা করেছিল। সাধারণ পরিষদ ১৯৯৪ সালে সদস্য রাষ্ট্রগুলোকে ৯ আগস্টকে আদিবাসী দিবস পালনের আহ্বান জানায়। এরপর ১৯৯৫ থেকে ২০০৪, ২০০৫ থেকে ২০১৪ দুটো দশককেই আদিবাসী দশক হিসেবে ঘোষণা করে জাতিসংঘ। সূত্র-সংবাদ (শেষ পৃ.,ক.১), সমকাল (পৃ.১,ক.৬), বাংলাদেশ টুডে (শেষ পৃ.,ক.৬), নিউ এজ (শেষ পৃ.,ক.২)।

#### সম্পাদকীয়

- ক. প্রথম আলো, সংবাদ, সমকাল, যুগান্তর, ইনকিলাব, যায়যায়দিন, ডেইলি স্টার, ইভিপেনডেন্ট, ডেইলি সান, নিউ এজ, ডেইলি অবজারভার : রাজধানীতে ঝুগার ও গণজাগরণ মঞ্চের কর্মী নীলাত্মি চট্টোপাধ্যায় নিলয় নামে একজন ঝুগারকে তিন ব্যক্তি মিলে খুন করার ঘটনায় নিন্দা জানিয়ে এর জন্য দায়ী খুনিদের অবিলম্বে প্রেরণার ও বিচার দাবি;
- খ. ইন্ডেফাক : জাতীয় শোক দিবসে কর্মসূচির নামে কেউ চাঁদাবাজি করলে তাদের বিরুদ্ধে তাৎক্ষণিকভাবে আইনি ও সাংগঠনিক ব্যবস্থা নেওয়ার ব্যাপারে আওয়ামী লীগের সাধারণ সম্পাদক সৈয়দ আশরাফুল ইসলাম যে ছঁশিয়ারি উচ্চারণ করেছেন তা যথাযথ বাস্তবায়িত হবে বলে প্রত্যাশা ব্যক্ত;
- গ. জনকর্ত : কৃষকদের উৎপাদিত ফসলের ন্যায্যমূল্য নিশ্চিত করতে মধ্যস্থত্বভূগোলের দৌরাত্য কমানোর পাশাপাশি কৃষিবান্ধব নীতিমালা ও আইন প্রণয়নের আবশ্যকতার ওপর গুরুত্বারোপ;
- ঘ. সমকাল : জামালপুরের মাদারঞ্জের একটি ঐতিহ্যবাহী বিল দখল করে আশ্রয় প্রকল্প নির্মাণের কথা উল্লেখ করে বিলটির অস্তিত্ব বিপন্ন হলে পানির স্তর নিচে নেমে যাওয়ার আশঙ্কায় এ ব্যাপারে প্রশাসনের হস্তক্ষেপ কামনা;
- ঙ. ইনকিলাব : পোশাক রপ্তানি থেকে আগামী ২০২১ সালের মধ্যে ৫০ বিলিয়ন ডলার আয় অর্জনের লক্ষ্যপূরণে রাজনৈতিক স্থিতিশীলতা ও আইনশৃঙ্খলা সুষ্ঠুভাবে অব্যাহত থাকা প্রয়োজন বলে মত প্রকাশ;
- চ. ডেইলি স্টার, নিউ এজ, যুগান্তর : সম্পত্তি এক সংবাদ সম্মেলনে সংখ্যালঘুদের সম্পত্তি রক্ষায় বাংলাদেশ হিন্দু বৌদ্ধ খ্রিস্টান ঐক্য পরিষদের সাধারণ সম্পাদকের উত্থাপিত অভিযোগগুলো আমলে নিয়ে যথাযথ কর্তৃপক্ষকে প্রয়োজনীয় ব্যবস্থা নেওয়ার সুপারিশ;
- ছ. ইভিপেনডেন্ট : গরু ও মহিমের উৎপাদন বাড়ানোর লক্ষ্যে প্রাথমিকভাবে ৫ লাখ গরু ও মহিম গ্রামের দরিদ্র জনগোষ্ঠীর মধ্যে বিতরণের মধ্য দিয়ে শুরু হতে যাওয়া সরকারি মেগা প্রজেক্ট অভিন্নত চালু করার প্রত্যাশা

**ব্যক্তি:**

- জ. ডেইলি সান : চলতি অর্থ বছরে ব্যবসা-বাণিজ্যে নারী উদ্যোক্তাদের উন্নয়নে গঠিত দুই বিলিয়ন ফাউন্ডের অর্থ যথাযথ ও সঠিকভাবে বরাদ্দ দেওয়ার ওপর গুরুত্বারোপ;
- ঝ. নিউজ টুডে : দেশের জনগোষ্ঠীর অপুষ্টি দূরীকরণে মৎস্য সম্পদের উৎপাদন বাড়ানোর উদ্যোগে দেশীয় প্রজাতির মাছের উৎপাদন বাড়ানোতে বেশি নজর দেওয়ার আহ্বান জানিয়ে সম্পাদকীয় প্রকাশ করেছে।

#### **উপ-সম্পাদকীয়**

ইত্তেফাক পত্রিকায় প্রকাশিত কলামে বাংলাদেশে একের পর এক নৃশংসভাবে ব্লগার হত্যার মতো বর্বরতা বন্ধ করতে হলে কঠোরভাবে আইন প্রয়োগের সঙ্গে সঙ্গে তরঙ্গ প্রজন্মের সামনে আদর্শবাদের নতুন মশাল জ্বালানো প্রয়োজন বলে উল্লেখ করা হয়েছে।

#### **নিবন্ধ ও ফিচার**

সংবাদ পত্রিকায় প্রকাশিত ‘বাংলাদেশ-ভারত ছিটমহল বিনিময়’ শিরোনামের নিবন্ধে জয়নাল আবেদীন বাংলাদেশ-ভারত ছিটমহল বিনিময়ে উভয় রাষ্ট্রের দায়িত্ব হবে ছিটমহলের প্রাক্তন মানুষদের নাগরিক অধিকার একশতভাগ নিশ্চিত করা বলে অভিমত প্রকাশ করেছেন।

#

ফারহানা/ফাহিমা/মরজিনা/সাইদা/বিপ্র/২০১৫/৯.০০ ঘণ্টা